

građevinskog materijala, hladnjače, zatim cisterne za vodu, mlijeko, tečna goriva i tome slično, te vozila za prevoz konfekcije, namještaja, hljeba, kurirskih usluga kao i snadbijevanje trgovinskih i drugih organizacija u dozvoljenim vremenskim intervalima sa dopuštenom maksimalnom tehničkom masom koju odredi nadležna Služba posebnom Odlukom.

Član 3.

Ovom Odlukom se definišu tri tipa dostavnih vozila sa maksimalnom tehničkom dopuštenom masom i to:

- TIPA - vozilo mase 0-1 t;
- TIP B - vozilo mase 1-3 t;
- TIP C - vozilo mase 3-8 t.

Član 4.

U ulicama u kojima je zabranjeno odvijanje saobraćaja za dostavna vozila, ista se uz odobrenje nadležne Službe mogu kretati:

1. Dostavna vozila za snadbijevanje pravnih i fizičkih lica sa sjedištem, odnosno prebivalištem u ulicama u kojima je uvedena zabrana saobraćaja;
2. Prazna teretna vozila čiji vlasnici stanuju u ulicama u kojima je uvedena zabrana saobraćaja;
3. Dostavna vozila koja pružaju kurirske usluge dozvoljeno je bezvremensko kretanje sa obavezom plaćanja naknade za kretanje ulicama u kojima postoji zabrana kretanja u skladu s navedenom Odlukom iz člana 1. ove Odluke.

Član 5.

U ulicama u kojima je zabranjen saobraćaj za dostavna vozila, isti će biti regulisan uz pomoć vertikalne saobraćajne signalizacije sa dopunskom tablom.

Član 6.

Odobrenja za ulazak i kretanje dostavnih vozila na zahtjev vlasnika vozila, izdaje Gradska služba za urbanizam, investicije i komunalne poslove - Odsjeka za komunalne poslove (u daljnjem tekstu: nadležna Služba).

Odobrenje iz stava 1. ovog člana izdaje se najduže na period od godinu dana.

Član 7.

Podnosilac zahtjeva za izdavanje odobrenja iz predhodnog člana, dužan je platiti naknadu, u ovisnosti od maksimalne tehničke dopuštene mase vozila i perioda na koji se odobrenje za kretanje izdaje.

Naknada je obračunata sa PDV-om za izdavanje odobrenja za ulazak i kretanje dostavnih vozila i plaćat će se na sljedeći način:

Vozilo sa maksimalnom tehničkom dopuštenom masom	jednokratno	mjesečno	polugodišnje	godišnje
TIP A (0-1 t)	20 KM	50 KM	140 KM	250 KM
TIP B (1-3 t)	30 KM	70 KM	190 KM	350 KM
TIP C (3-8 t)	40 KM	100 KM	250 KM	450 KM

Član 8.

Provođenje ove Odluke iz svoje nadležnosti vršit će Policijska stanica Gradačac.

Član 9.

Ova Odluka stupa na snagu osmog dana od dana objavljivanja u „Službenom glasniku Grada Gradačac“ a predhodna automatski prestaje da važi.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-34/24
Datum: 30.01.2024.god.
G r a d a č a c

PREDSJEDAVALAČI
GRADSKOG VIJEĆA
Mustafa H. Adulović, s.r.

8.

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06 i 51/09), člana 6. Zakona o komunalnim djelatnostima ("Službene novine Tuzlanskog kantona", broj 11/21 - prečišćeni tekst) i člana 21. tačka 2. Statuta Grada Gradačac („Službeni glasnik Grada Gradačac”, broj 10/22), Gradsko vijeće Grada Gradačac, na 32. redovnoj sjednici održanoj 30.01.2024. godine, donosi

O D L U K U

o izmjeni i dopuni Odluke o komunalnom redu

Član 1.

Član 15. stav (3) i (5) Odluke o komunalnom redu („Službeni glasnik Grada Gradačac“, broj 1/23 i 11/23) (u daljem tekstu: Odluka) se mijenjaju i glase:

Stav (3) “U užem urbanom području grada zabranjeno je graditi staklenike/plastenike i slične objekte koji prelaze visinu od 200 cm, i isti se moraju udaljiti od susjedne međe minimalno 2,0 m, odnosno površina navedenih objekata ne može biti veća od 5m² ukupne površine. Na jednoj parceli može biti samo jedan takav objekat”.

Stav (5) “Ukoliko vlasnik ili korisnik zapuštenog zemljišta ne postupi po izdatom rješenju inspektora ili ukoliko službena lica nisu u mogućnosti doći do vlasnika ili korisnika zapuštene parcele, komunalni inspektor je dužan angažovati javno preduzeće, koje je registrovano za obavljanje ove djelatnosti i kome je Gradsko vijeće grada Gradačac dalo saglasnost za izvođenje takvih radova, koje će izvršiti čišćenje zapuštene parcele, na teret vlasnika ili korisnika parcela”.

Dodaje se novi stav (7) a dosadašnji stav (7) postaje stav (8).

Stav (7) glasi: “Ukoliko vlasnik ili korisnika zapuštenog zemljišta u roku koji mu bude određen ne izvrši uplatu duga Gradu Gradačac za izvršene radove čišćenja, Gradsko pravobranilaštvo je obavezno u skladu sa važećim zakonskim propisima na zahtjev nadležne Službe za inspekcijske poslove, pokrenuti odgovarajuće sudske postupke u cilju naplate novčanog potraživanja. Komunalni inspektor/redar je dužan Gradskom pravobranilaštvu dostaviti sve činjenice i podatke neophodne za pokretanje sudskih postupaka kako bi se utvrdila visina duga, te identitet parcele, kao i identitet vlasnika ili korisnika iste”.

Stav (8) glasi: “Zabranjeno je u naseljenim mjestima na privatnim tj. vlasničkim parcelama a naročito u gradskim mjesnim zajednicama u obuhvatu od I - VI zone gradskog građevinskog zemljišta: paliti travu, lišće, ogranke, karton, ambalažu i druge vrste komunalnog otpada i držati bilo kakvu vrstu otpada kao i dotrajalih stvari koje u tom okrženju narušavaju kulturu stanovanja i življenja”.

Član 2.

Ova Odluka stupa na snagu osmog dana od dana objavljivanja u “Službenom glasniku Grada Gradačac”.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-35/24
Datum: 30.01.2024.god.
G r a d a č a c

**PREDSJEDAJUĆI
GRADSKOG VIJEĆA**
Mustafa H. Adulović, s.r.

9.

Na osnovu člana 13. stav 2. tačka 5. Zakona o principima lokalne samouprave u FBiH (“Službene novine FBiH”, broj: 49/06 i 51/09), člana 21. tačka 7. Statuta Grada Gradačac („Službeni glasnik Grada Gradačac”, broj 10/22), Odluke o uslovima i načinu držanja pasa, te načinu postupanja sa napuštenim i izgubljenim psima na području općine Gradačac („Službeni glasnik Općine Gradačac“, broj 8/18), Odluke o osnivanju skloništa za napuštene životinje („Službeni glasnik Grada Gradačac“, broj 7/20), na prijedlog Gradonačelnika, Gradsko vijeće Grada Gradačac, na 32. redovnoj sjednici održanoj 30.01.2024. godine, donosi

O D L U K U
o izmjeni i dopuni Odluke
o raspisivanju javnog poziva za dodjelu na
upravljanje Azila za napuštene životinje

Član 1.

Član 5. Odluke o raspisivanju javnog poziva za dodjelu na upravljanje Azila za napuštene životinje („Službeni glasnik Grada Gradačac“, broj 9/23) (u daljem tekstu: Odluka) se mijenja i glasi: „Prilikom odabira ponude, komisija će odabrati ponudu sa najnižom cijenom za upravljanje Azila, koja ne može biti viša od 8.000,00 KM na mjesečnom nivou“.

Član 2.

Član 6. Odluke se dopunjava novom tačkom o) koja glasi: „Da odgovara za svakog psa koji pobjegne iz Azila, kao i za one pse lutilice koji se kreću po javnim i drugim površinama i koje odmah a najkasnije u roku od 12 sati po nalogu Gradske službe ne budu uklonjene sa javnih i drugih površina“.